

Kumiks to Monuvu



Obo Manobo

Kumiks to Monuvu

Obo Manobo Comics

Iddos mid sulat ka-ay woy id batok to litratu,
si Melchor U. Bayawan

(Written and Illustrated by Melchor U. Bayawan)



**Obo Manobo Active Language Resource
and Community Development Incorporated
2003**

Published
in cooperation with the
Commission on Philippine Languages
and the
Department of Education
Manila, Philippines

Additional copies of this publication
may be obtained from:
Obo Manobo Active Language Resource
And Community Development Incorporated.
Sayaban, Ilomavis, 9400, Kidapawan City, Cotabato

This book or any part thereof may be copied or adapted and
reproduced for use by any entity of the Department of Education
without permission from the Summer Institute of Linguistics. If there
are other organizations or agencies who would like to copy or adapt
this book, we request that permission first be obtained by writing to:

Obo Manobo Active Language
Resource And Community Development, Incorporated
P.O Box 50,
Kidapawan City. 9400

Obo Manobo
Comics
Fluency Reading Series

93.22-1203-5C

71.120P-035022N

Printed in the Philippines
SIL Press



Zoo


Id politratu si Zerom duma tat mgo uvaa riyot sokkad
no lugaa nod ngoranan no zoo nod kokitannan to nokod-
osso-ossan mgo oyama. To kod-ontong tat amoy rin to
litratu rin, maasoy rin dobbo tod pongilaa ko ingkon lomig
si Zerom diyot litratu.



Zauro


Asow id dawi to buwaya si Zauro no ari ni Zerom sud
aawang don man sikandin od ipopanow no waa duma rin.
Piru moppiya su nokoponguwawid sikandin to kayu riyot
zoo.

Z z



Zebra

Nosoobbuwan si Zona su ambo kun to kuda no id pinturaan to metom woy moputi. De-en, id lukutlukut sikandin id awa su saddoo kun ko od onitan mandad sikandin. Idda vos so kuda nod ikohiyon din, idde-en so od ngoranan no zebra no riyon da od kokita to ingod to Africa.



Zamboanga

Nokososabpong si Zerom to tolinga rin tat kahi ru baansi no obusina to barko nod sakayan din tod bovoligya to lemas diyot Zamboanga.



REPUBLIKA NG PILIPINAS
REPUBLIC OF THE PHILIPPINES
KAGAWARAN NG EDUKASYON
DEPARTMENT OF EDUCATION
DepEd Complex, Meralco Avenue, Pasig City, Philippines

Tanggapan ng Kalihim
Office of the Secretary

Direct Line: 633-7208
E-Mail: dep@pacific.net.ph
Website: <http://www.deped.gov.ph>

FOREWORD

Education is a powerful instrument for reducing poverty and inequality. It provides the basis for sustained economic growth and full participation in nation building. The record of the last century worldwide shows that education is at the heart of any successful enduring national transformation.

SIL has served the Philippines for 50 years providing tools for education and development among the cultural communities. SIL members are involved in language research, while facilitating community-based literacy education, recording oral heritage, developing dictionaries and translating literature of high moral value, including portions of the Holy Scriptures. Members of minority groups from the Batanes in the north to the Sama archipelago in the south have benefited from SIL's efforts in our land.

At the 50th Golden Jubilee Anniversary of SIL Philippines, the Department of Education extends its appreciation and congratulations to the members of SIL for their dedication and commitment to provide access to literacy and literature to the indigenous cultural communities. SIL seeks not only to serve but to empower Filipinos to take leadership in such endeavors in their own communities and throughout Asia.

SIL deserves recognition and praise for the quality of its productivity – some 3500 titles of linguistic research and vernacular materials provided for and about the language communities of our country. Our linguistic variety is an important part of the cultural beauty and diversity that uniquely enrich the Philippines.

Edilberto C. de Jesus

EDILBERTO C. DE JESUS
Secretary

PREFACE

Kumiks to Monuvu is a book written in comic book style and designed for use in literacy endeavours among the Obo Manobo people in Region 11 and Region 12. It will be especially helpful when used by beginning readers to demonstrate that reading can be meaningful and fun.

In reading the Obo Manobo language, many of the sounds of the alphabet closely resemble their counterparts in the national language. In order to read Manobo the letter e is pronounced as the vowel sound “e” in the English word ‘let’. The letter o is to be pronounced similarly to the vowel ‘o’ in the English word ‘of’.

The original stories and illustrations of this book in Obo Manobo were done by Mr. Melchor U. Bayawan, a resident of Sayaban, Ilomavis, Kidapawan City.

We would like to acknowledge that this book was inspired by the Agusan Comic Book, Revised Edition printed in 1993.



Yohung

Nolingkuwab dos sokkad no yohung no id sovow ni Yanyan tat bakbak. De-en nokopongutkut dobbo sikandin su nonuhunan tat luggat din.



Yuyu

Id gaaw robbo baling si Yanyan. Id pomupu sikandin to bosikung woy id bovallan din no yuyu.

Y y



Yanyan

Od yongngak yongngak dobbo si Yanyan nod loupug tat bakkak. Dii ron od kokilaa dos bakkak su id tolinsubbuk man diyot apuy, de-en id umpow umpow no norihus to avu.



Yokyokkon

Od yokyokkon don si Yanyan su no-uranan sikandin to kod-ammot tat bakkak. Piru id ikahi re-en sikandin to, "Moppiya ron moho kos yokyok su duwon bawi nungka to sivollok."



A a




Allow

Od kovolloy ron moho si Amek nod pongevoo laggun tod aangat to po-init. De-en od gaawon din si Asut no mid ikahi to, “Asut, go-ossa row su mosukirom dok kod-ontong kut allow.”




Apang

Nokita ni Apu si Amek no golid komonnud loloupug to mgo apang diyot kamot. Kunan ni Apu ko od pomuggawon din, iddo vos su od pontonggilawon din tod ka-an.



Taxi


Nokotuwos si Xinia su limma ra man kos od ollog to taxi no sokayan, de-en ayas sikandin id wahukwahuk.



Roxas

Novulliyan si Xinia riyot ibpit to koosada riyot Roxas no sakup to Manila su dii man sikandin od kotuig nod lampoy to koosada su mo-uraan sokayan.

X x



X-ray

Id pokita ni Alex dos x-ray rin to kandin no abbuk diyo
sawa rin, woy id ikahi sikandin no, "Ini en kun kos abbuk to
minuvu no oraroy'd ponihupan su paanan dobbo bobbo."




Xerox

Od pokopongulinta si Xinia tat od kopuungan to mokina
nod ngoranan no xerox su oraroy kun nod kotuig kos mgo
sayantis. Id popoomdom mandad sikandin no od kogaha
en kun mandad ayu to mgo sayantis nod bovaa to mokina
to kotilyas no tohod-ilut su amoy worad kun luggat.



Anoy

Tomman ni Amek, mgo olivutod kun iddos mgo
moolimot no anoy riyot kayu. De-en goli rin id saud to
lobban sud kannon din kun.



Allu

Id pukpuk tat inayon din si Amek to allu su ahad dos ari
no annom poron no buwan, ayas din pokanna tat
mgo anoy.

B b




Bollangay

Id sopput kos nguwog ni Boy su nosilok to nolingkuwab dos bollangay rin no disok.



Bansi

Disok sama nosuhat si Boy to kilat nid dumannan to monokkaan bansi. Oyaya su id kosu-atan din ayu dos bakkak nod poko-aawang od pokosubbuk su novutud.



Worowworow

“Worow worow en moho kikow, Waldo.” Kahi tat inoy rin nid gulipis to tolinga rin. “Od povolliyon ka to sobun, dii ka me-en sud kovaakkan ka kun uvag ko od pokorudsu ka. Na ontongiyu vo ko-ungkay, no-uug ka to kaavow, dii kad asow od poko-ipanow.”



Waongwaong


Waongwaong si Waldo, iyon din mandon sokayi dos kambing su oraroy sikandin od kotoosan nod sakoy. Gulari tid untud sikandin, tigkow mid lubpat dos kambing su nohilokkan, de-en mopet dobbe-en kos peheson din.

W w



Waldo

Id kipoos dobbo si Waldo nid sakoy to natit kaavow nod poumbanod nod lubpat. De-en id ikohiyan sikandin to amoy rin to, “Waa ke-en mohod sakoy to nati no waa mandad poopodduwon.”



Wadwad

Id wadwad moho ni Waldo dos natit kaavow su no-oppos sikandin to nokopallok diyot bosakon. Pomon tadda, worad sikandin mid utuk id sakoy to natit kaavow.



Batu

Dollan ni Boy tod onitan sikandin, lukut din ongay dos batu nod ngoranan to suku. Piru, waa en nongnong din ko od monnuwon din to kodbawi iddos suku, de-en id lommod din moho. Dam pobbe-et nororuhu re-en sikandin su id sanggat man to bookongngan din.



Badnoo

Moppiya su duwon iddos amoy rin. Te, pousuka rin en moho si Boy woy id pukpuk dik tongngoo, na dore-en, id leggua ron dos batu. Na kokahi ni Boy to, “Ee! Badnoo rad bos en kos suku.”

C c




Colgate

Nahaahaa si Carson nid ka-an tat colgate su mammiis kun. Pipiti en moho sikandin to inoy rin su konna man kun idda kindi, gali ra man kun idda od kannon ko duwon paan.



Cotabato

Od porumannon nanoy si Carson to inoy rin nod bovoligya to karuts diyot Cotabato, piru dii sikandin od aman su mo-uraa kun kos karnaper dutun. Piru id tavak dos inoy rin no koman kun mohod sakoy sikandan to kaavow sud karnapon sikandan.



Van

Asow noumpakan si Victor to van sud posoroon din nanoy riyot tongannan to koosada amoy'd sakoy ran ki Vina. De-en id ammot sikandin to pulis su konna ollog dos id puungan din.



Valentino


Ayas id pongommog ni Victor dos irung tat anak din no si Valentino su waa ron en kun id suwayan kandin.

V v



Visayas

Si Victor, mohingod to Valencia no sakup to Arakan. Id pa-ayyad-ayyad sikandin nid pongumpak nod undiyon to Visayas su amoy dii kun sikandin od kokilaa no Monuvu.



Vina

Id boggayan ni Victor si Vina to manuk sud osawa kandin. Dutun don sikandin mid ubpa to Visayas su worad soopi rin nod uli riyot Valencia.



Cebu

Od ko-ilow ron dos amoy ni Carson su to kod-undiyon dan to Cebu, oraroy sikandin nod inu-inu. Na duwon kun id bovoligya to barak diyon nod ikahi to, "Nangka, nangka." De-en kahi ni Carson to, "I Apa! Waad en moho id suwayan duwot od ngoranan din no nangka tat barak diyot keta."



Coke

Golid doroyasan si Carson to kod-inom din to coke su id ukit to irung din dos coke to kodtiggob din.

D d




Dovung

Od kotoodtoosan uvag si Dina tat dovung su oraroy kun no moomowwet, waa rin ongaya iddos mgo molivutut su motobbo pa kun.



Doggos

Od kosoobbuwan si Dina su ambo kun moho oraroy nod doggos iddos dovung no id awat din. De-en, od tiyangon din dobbo kun baling.



Uwak

Ayas id bovolengas si Udi su id dadpak to uwak dos mgo piyak to manuk din. Iyon din oraroy sinoggawi iddos inoy su od kovuha kun tat mgo piyak din.



Uwod

Noko-umbottut si Udi su kunan din ko uwod iddos lettab nid bovolingkuung diyot daan, de-en nongokoumbag dos mgo piniyoddan din.

U u



Ubpan

Nongowengkas kos ubpan onni Using su id pon-ikottan dan man to mgo oyama kos tuddok to ubpan dan. Gali sikandan nokotaud no diyon dan don to silob to ubpan dan ko id bottu rok allow.



Umpak

Nowehaywehay kos umpak ni Using nid wadwad to tuyyang sud ahaw tat ngaap din.



Daan


Nokorudsu si Dina su maandog kos daan nid ukitan din, de-en nongokoumbag dos dovung nid tiyang din.



Dampa


Golid lootokkung dos dampa nid pukpuk tat inoy ni Dina kandin. Oyya su nopupuwan dos inoy rin to oruwon ngipon to kodka-an din tat dovung no motossantossan don.

E e




Eroddan

Nosoobbuwan si Ekoy su id lampas kos pa-a tat id popuyut diyor erodan, de-en lukutlukut din ontongni su asow ron mandad od kotoppu dos kayu. Gulari to kod-ontong din, iddo man bos so sawa rin nod kovangogbangog kos id popuyut.



Elos

To nosorollan ni Ekoy no id popuyut kos sawa rin, id tidsuk din kos tokeleran to elos, de-en nokovuntug sikandin to osag su notoppu man dos kayu pomon to kodwaongwaong din.



Tesi


“Oy, Tesi, od kopiyan ka nod ka-an to tisa?” Kahin Toni. “Oyya od kopiyan a,” kosi Tesi. Na kahi mandad ni Toni tid tavak to, “Pomuwa ka me-en.”



Tuddok

Id piloy tat amoy ni Tesi dos sokkad no lobbut to tisa su od bovallan din kun to tuddok to sabbung. Piru to kodpiloy rin, diyon de-en moho id po-isau to ubpan dan.

T t



Tisa

Nolibmit si Toto tat inoy rin su kunan din ko id ka-an sikandin to tiyok to anak, noo tat tisa man moho idda.



Tuktuk

Id tuktuk to manuk kos tisa, de-en sasang to id lihad si Toni, nokotuwan en dos tisa riyot tongngoo rin no golid loopedsak.



Esa

Ayas id esa si Ekoy tat sawa rin su waad en kun od kopuungan din, puung de-en od oinarang to intiru't allow.



Elo


Id isau si Edwin to ungan woy id popoomdom ko ondak od puungan din tat mo-ud-uraan doorakkoon elo rin. Ondan mohok nokota-aw to poomdom ni Edwin su id pongoddut din dos doorakkoon elo rin su od ko-ilow ron kun sikandin.

F f



Felipe

Lasoy ni Felipe nid pongammot tat mgo ngaap din diyot fishpond nid ponleggua su id suwaa tat bavuy ni Fred. De-en id povoyaran din idda, ahad dos le-os din to kod-aayan tat mgo ngaap.



Fishpond

Id loupug mandon ni Felipe dos bavuy sud ponuwaa, piru no-uug dos bavuy riyot fishpond. De-en, sikandin don mandon kos nokovayad.



Saku

Golid mountak to liyas si Soliman su od loupuhon tat saku. Noo tat gesot man moho idda.



Soo

Id suhu si Soliman nod oilutu to soo, de-en id tuwog din dobbo su amoy go-os kun nod koutu. Te, ondan pobbe-ek nosama su id pombossot me-en.

S s



Sahing

Waa soroan ni Sombek to kodpomuwa to boongay no sahing woy goli rin uvag obunu-i. Id inturan sikandin to mgo sumbaoy rin ko od monnuwon din iddon mgo sahing. Mid tavak si Sombek no mid ikahi to, "Od dugduhon ku langun ika."



Sayab

Id nonawwan ni Sombek dos anak din no si Soliman nod somad to poliyop woy kodsosayab, piru iyon din de-en moho notuiggi sod totuwog to kosila riyot soyavan su mosiyapat nod koutu.



Flag

Id langot dos mo-istru su waa kun kod-addat ni Felipe tat kodporatas to flag to Pilipinas. Ondan me-en mandad tid taruk en sikandin diyot tongannan to mgo istudyanti sod loloupug tat bavuy.



Filipina

Moonnalonna uvag si Flora nid sikaa nod undiyot kosaa su id doong ni Felipe no mgo moganda en kun kos Filipina. De-en, langun nod kovoyan din, od gommon sikandin taman to nokosi-ud sikandin to batu woy novolintud.

G g



Gaab

Goli id pomenek si Gavina to guyabano nod pongumow tat sawa rin no mid ungketen to, “Oy, od ipanow ad su od gaavon ku pa iddos ommoy no id pokottu ni tiyu Gana koddi-oy.”



Gudgud

Oray’n doggos kos lawa ni Gavina to kodpongottu rin, de-en od suhuwon sikandin tat sawa rin nod gudguron din diyot oweg. Piru dii kun od kopiyan si Gavina to gudgud su moohilok, od solimbokaddon din dobbo kun tod pomarut dos mgo indang. Piru iyon din bos id kovaakki dos od pomolihus sud kohonnawan bos sikandin.



Ripulyu


Id dakkook mata tat amoy ni Ramon su nosoobbuwan kandin nod inom to kopi nod lurungngan din to ripulyu.



Ribun

Id pobporoong uvag ni Ramon dos ribun din no mo-uraa kun. De-en nosoobbuwan dos mgo klasmet din su waa man no-umow kos ngaran din. Iddo vos su id bolli rin tapoy riyot Roxas.

R r




Ramon

Id tiyang dobbo ni Ramon dos bayk din nid batas tat totoy su ko dii, ikopittu rin don kangkan tod pokosubbuk taddon oweg.




Radyu

Od kosoobbuwan si Ramon tat radyu nod ooseng no waa man kun bivid. De-en id kolengkoleng din sud ontongngan din ko duwon minuvu riyot daom. Ko-inuwan to waa od kokita rin, pukpuka rin moho to kayu, purisu id pomipitan mandad sikandin to amoy rin.



Gulay

Dii en od kopiyan od ka-an to gulay si Gavina, de-en idda baling so ari rin kos ayas din pohosa nod amin tadda langun.



Gilingan

Oray'n le-aw si Gabriel, de-en nokoruma sikandin taddot id tiyang din no saku riyot od loolosuran to ommoy riyot gilingan to Ginatilan, oyya su bangog me-en.

H h



Hari

Ayas id pongkosu-at kos mgo minuvu su uvag kun to si Hector kos hari no ayas id tadduk ngingi rin laggun to nokotintinuhon diyot unsaran din.




Helen

Si Helen no uvag kun mandad to Reyna, id sukaa rin dos hari su id aangat man kandin kos mgo minuvu to miting. To kod-onnow rin, id ponayun don sikandin id ooseng no id taddu porok ngingi rin, no kahi rin to, "Ko-ilangan no dii ki od aawang od oilob ka-ay't daom to polasyu."



Quirino

Od kosoobbuwan si Quirino tat oungan su ambo kun moho to langun nod puungan din, od ilingan mandad tat oungan, de-en id ponobbag din.



Quirorom


Od mororom don si Mina to allak din su oray'n mosuppit dos daan tod undiyon to Quirorom. De-en to kod-uli rin diyot Kidapawan, id ipanow robbo sikandin.

Q q



Quitil

Nokopongutkut si Quitil su notoosan to nokoka-an sikandin tat paan nid poletan to queso. Na kahi rin tat amoy rin to, "Apay, duwon similya ru ka-ay sud pomuwa a?" Id tavak dos amoy rin to, "Ondan similya-a to nguwo man moho ika to kaavow."



Quezon

Nokotohenop si Quitil nod undiyon kun uvag sikandin to Quezon City, od sakoy kun sikandin to iruplanu sud pongannup dutun.



Hunyu

Id ooseng mandad dos hari no, "Init Hunyu, od siisimbokaddon ku to kodponudtuu koniyu dos pooviyan gontangan ku taddot minuvu no od tintinuhon ko duwon puungan."

Nopongnga rin osenga idda, immat od ko-uug don mandok mata rin sud pokotintinuhon.



Hilikupter

Nongokopaahuy kos mgo minuvu su novaakkan tat kokahi ran no dakkoon banug nod dawi kandan. Piru hilikupter man moho idda.



Irung

Ayas momooggi ni Ipit dos Omerikano su mambo kun moho to moomowwet kos irung dan. Waa nokoti-is sikandin, id ommog din pe-en kos irung.




Ikam

Oraroy od kotuig nod bovaa to ikam si Idi. Piru waa saddoo rin no duwon mandad mgo lumat nod tintinundug kandin nod pongotkot tat ikam.



Poas

Avoy ron mohod angoy si Pina to ponu-on, nokopomehes sikandin su kunan din ko uwod dos poas nid paahuy pomon diyot lobbut to ponu-on.



Ponggana

Nolinguwab kos ponggana nid tawwan ni Pina to ponu-on sud porapas nod pollahuy.

P p



Ponu-on

Od ko-ivi ron si Pipito su noommod din dos sopodding nid kapot tat ponu-on.



Pupu

Nopupu kos ngipon ni Pina tid kahat din dos ukap tat ponu-on. Piru waa rin soro-i tid ka-an dos ponu-on su iddo rin pe-en kun noka-an.



Inavoo

Nokosaavet to kayu dos inavoo no detdet ni Inggow laggun tod poumbanod sikandin. Piru suwamig noluwaa dos kayu su dakkoorakkoo me-en sikandin no molitan.



Ikug


No-uug si Indo su notingkommod tat ikug to kuda no id pipit kandin laggun tod tintinuhon nod posabsab. Purisu, dutun en sikandin nokovunsad to tiyok to kuda.

J j



Japan

Id undiyon si Joel to Japan su od puung dutun. Na to kod-uli rin, dii ron kun uvag sikandin od kotuig nod Momonuvu. Piru to id lupug sikandin to tuyyang, ayas sikandin id pomehes to, “Okkoyoy! Ina tovangi a.”




Jeep

“Jenny, posiyapatow tod poubpat sud ka-ammot inis onutung ni Joy, woy saddook od ka-apii pe-en inis jeep du,” kahin Jerry.



Opok

“Oto, ontongngiyu pa iddos opok nid lavag su novaakkan ayu tat okkang nod pomehes.” To kod-ontong tat anak, ayas de-en sikandin id sinoggow su dakkoorakkoo kun no okkang dos dutun. Noo tat si Otot man moho idda nod ponakow nanoy tat manuk.



Ollon

Id pipitan ni Ina si Oto to ollon su dii man sikandin od soro nod sinoggow to allak din tat okkang. To nopongnga rin pipiti si Oto, id kokoumbung mandad sikandin to kesay duma ki Oto su amoy dii kun sikandin od pokorinog tat okkang.

O o



Olipollos

Golid kommonnu od laangkob dos amoy ni Oto, su duwon kun id doddohusun mgo sundau to Opun. Noo tat mgo olipollos man moho dos od tommanon din.



Oto

Novaakkan si Oto su id oseng kun kos okkang no maavoglavog, de-en id sinoggow sikandin pomon to allak din.



Jonathan

Lasoy ni Jonathan woy si Jun nid popenek tat onutung. Nokorellos si Jonathan su maandog man dos eheddan, moppiya su nokoponguwawid sikandin.



Jojo

Uvag kun to novaakkan si Jojo su norattan dos motor laggun kun uvag tod lubpat. Od kookollon don sikandin su saddoo kun uvag ko od pokotollus to konaa.

K k



Koyupat

Notoodtoosan uvag si Kiku nid ponikop to koyupat. Od ilingan din pobbe-en dos koyupat nod ipanow nod povaavag. Gali rin bo idda od purutun ko od usok don asow to bobbo.



Kobkob

Sipita en moho tat koyupat dos irung ni Kiku, no mopet dobbe-en kos peheson din. Ko-inuwan to dii en od savuk dos koyupat, ayun din don baling id kobkob so od poko-usok don man asow to bividin.



Ngipon

To id ka-an si Apu Obot to id logga no botad, nosoobbuwan sikandin su duwon moho motoggas poron no nokobkob din, ngipon man bos no nokosambut su nopupu. Id ayas de-en baling id mosakit dos ngumoo rin.



Ngingi

Id ngingi si lbing su id kita rin iddos noko-ollos no tobbuwa no id limud ni Gingging. Te, waa en moho sama su od koolingon me-en sikandin. Todtahad, id ointud si lbing ki Gingging to, "Worad tobbuwa ru?" Id tavak sikandin to, "Te! Id amin don moho ayu kannu to lumat dos id pomurut ku re-en diyot divauy to kotilyas."

Ng ng



Ngaap

Od ngingiyon don si Apu Obot tat soosokkad dobbon nosama tat piniritun ngaap din su id pongahaw to mgo tuyyang.



Ngumoo

Od ko-utuu nanoy si Apu Obot tat priton ngaap piru waa rin noka-an su mosakit man kos ngumoo rin pomon to lammi sikandin boruti to ngipon.



Kabbang

Id mororom don kos irung ni Kiku su id kabbang to sipit tat koyupat. De-en id toppu rin dobbo dos sipit no nokotangon to irung din su mosakit man ko od pohoson din.



Kosu-at


Od patoy ron kos mgo minuvu to kodkosu-at dan su kannu kun moho so irung no duwon suwag. Id ooson en moho si Kiku woy id lupug din sikandan to koosidu.

LI



Lipi

Od kosoobbuwan kos mgo minuvu riyot Kidapawan su id ponlipi si Linu piru waa man koosidu nid sukub din, noo tat id losuran din bos to soopi.



Lemas

Nokooyyang si Linu su novudtus dos alambri nid oggot din tat lemas nid bovallan din.



Niyug


Od ko-ivi ron si Nida su od ko-ilow kun nanoy sikandin tat bowvuu rin su waa suwat dan. De-en, id angoy iddos inoy rin to niyug, id tobbag din idda woy id kahat sikandin to disok. Na id soppa rin idda woy id ilob din diyot uu ni Nida. Idda pa no id mosella uvag dos bowvuu rin.



Naanu

Naanu si Nida no mid ikahi to, "Waa ad nanoy id pomowhu tadda su od kosu-atan a re-en baling to mgo klasmeyt ku su id ngarog a re-en kun to ngingi."

N n



Natok

Id wadwad tat amoy rin si Namen su od pomenek tat kunan din bunga to kosilon natok iddos bungot niyug. Kahi tat amoy rin to, “Od busawon ka man ayu ika, ondan moho kos od oongayon to bungot natok duwot niyug.” Id tavak si Namen to, “Bunga me-en to natok ika su ontongngiyu man kos lawot kosila, id kavod diyot davow.”



Nati

Maasoy robbo si Namen nod gasodgasod su nolomboddan sikandin to ikot to nati to kaavow. Nopahow ron sikandin to kodpomehes din su id pomuunan mandad to makut.



Lumansad

Id lavag poron dos lumansad nod titiyon don nanoy ni Linu. Nokosavuk dos manuk su waa rin poron man bos nolonglongngi.



Lokkob

Noko-agngok si Linu no nokora-ag to livuta su no-usung man tat sawa rin dos lokkob diyot inoyyuhan din.

M m



Mario

Od tintinunduhon ni Mario tod pomarut iddos mgo panga tat mangga no id pomua tat amoy rin. “Bangog en” kokahi rin, “no minuvu, od pomua kun moho to panga su moomok nod bovunga.”




Mangga

Na laggun tod pomua iddos amoy ni Mario, id opunan to mgo langow iddos panga to mangga, de-en kokahi rin to, “Te! kovo, asow ron bos od bovunga ini sud ka-arok don to mgo langow.”



Mammut

Kahi mandon tat amoy ni Mario to, “Na, angoy kad to lobban sud mammut bos inis mangga nid pomuwa ta.” Tiyok bos moho riyot duug dos od tommanon tat amoy rin no mammut.



Mutur

“Mario, moratmorat don moho ikos mutur ta, yo konnow’d poubpata, moppiya pok od pokovoddan ta baling ika to singkomas su duwon pa koru-anon,” kahi tat amoy ni Mario.